

- Humiling sa Diyos ng kakayahang makatulong sa mga tao sa pamamagitan ng iyong pananalita. Manalangin na linisin Niya ang iyong pananalita.

- Manalanging bigyan ka ng Diyos ng karunungan kung papaano mo mahihikayat ang kapwang baguhin ang mga negatibo nilang pag-iisip.

- Magdasal na ang bawat isa sa grupo ay dagliang sumunod sa mga utos ng Diyos at maging ganap ang pagsunod ninyo sa Kanya.



VICTORY

Honor God. Make Disciples.

Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.
 Karapatang Pag-aari © 2010 ng Every Nation Leadership Institute
 Inilathala ng EVERY NATION PRODUCTIONS
 P.O. Box 12229 Ortigas Center, Pasig City, Philippines

STRONG

Malakas

Week 1

[illegible]

- Ano ang karaniwan mong nasasabi kapag natatakot ka? Magbigay ng halimbawa.
- Anu-ano ang mga inaalala mo noong nakalipas na mga araw? Bakit?
- Kaninong utos ang nahihirapan kang sundin? Ipaliwanag ang sagot.

WORD

WHAT

What does the Bible say?

“Huwag mong kalimutang basahin ang Aklat ng Kautusan. Pagbulay-bulayan mo ito araw at gabi para malaman mo kung paano mo matutupad ang lahat ng nakasulat dito. Kung gagawin mo ito, uunlad ka at magtatagumpay.”

Josue 1:8

Nang pumalit si Josue kay Moises sa pangunguna sa mga Israelita tungo sa Lupang Ipinangako, alam niyang malaking trabaho ang kinakaharap niya. Ngunit hindi iniwang mag-isa ng Diyos si Josue sa pagharap niya sa malaking responsibilidad at ibinigay Niya ang sekreto sa pagtatagumpay—ang Salita ng Diyos. Pag-aralan natin ang sinabi ng Diyos kay Josue at tingnan kung papaano natin ito maisasabuhay.

- **Bigkasin ang Salita ng Diyos.**

“Huwag mong kalimutang basahin ang Aklat ng Kautusan. . . .”

Josue 1:8

“ . . . Sapagkat kung ano ang laman ng puso ng isang tao, ito ang lumalabas sa kanyang bibig.”

Mateo 12:34

Tulad ni Josue, kapag kinakaharap tayo ng mabigat na gawain, hinihikayat tayo ng Diyos na bigkasin ang Kanyang Salita. Sinasabi din sa Bibliya na lumalabas sa ating pananalita ang nilalaman ng ating mga puso. Kung laman nito ay pananampalataya, makakapagsalita tayo ng may pananampalataya. Kung pagdududa naman, siya rin ang lalabas sa ating mga bibig. Ano ang magagawa mo upang matulungan kang bigkasin ang Salita ng Diyos ng madalas at maiwasan mo ang mga negatibong pananalita?

- **Pagbulay-bulayan ang Salita ng Diyos araw-araw.**

“ . . . Pagbulay-bulayan mo ito araw at gabi . . . ”

Josue 1:8

Siguradong abalang-abala si Josue sa pangunguna sa mga Israelita at sa pakikipaglaban para sa Lupang Ipinangako. Ngunit malinaw ang utos sa kanya ng Diyos na lagi niyang pagbulay-bulayan ang Kanyang Salita. Tulad nito, kailangan din nating paglaanan ng panahon ang Salita ng Diyos

kahit na marami tayong ginagawa. Paano mo ba pinagbulay-bulayan ang Salita ng Diyos? Anu-anong mga kabutihan ang dinudulot nito (Salmo 1:1-3)?

- **Sundin ang Salita ng Diyos.**

“ . . . para malaman mo kung paano mo matutupad ang lahat ng nakasulat dito. . . . ”

Josue 1:8

Dapat lamang na ang pagbabasa, pagsasalita, at pagbulay-bulay sa Salita ng Diyos ay humantong sa pagsunod natin dito. Ang pagsunod ay isang mahalagang palatandaan na tayo ay puno ng Kanyang Salita. Importante din ang pagsunod upang tayo ay manatili sa pangunguna ng Diyos kahit na kinakaharap tayo ng mga pagsubok habang pinanghahawakan natin ang Kanyang mga pangako. Ano ang dapat na maging resulta ng pagbabasa natin ng Bibliya (Deuteronomio 31:12)?

SO WHAT

What is the relevance of the Word to my life?

- Ano ang iyong magagawa upang maiwasan ang negatibong pananalita? Sa tingin mo, bakit kaya mas nahihikayat ang mga tao sa mga salitang may pananampalataya, pag-asa, at katagumpayan?
- Papaano nasisira ng mga negatibong pag-iisip ang iyong positibong pananaw? Papaano mo mapipigilan ang mga itong sakupin ang iyong isipan?
- Papaano nakakahikayat papalapit sa Diyos ang pagsunod mo sa Kanya?

NOW WHAT

How do I apply the Word to my life?

- Papaano mo mahihikayat iba sa pamamagitan ng iyong pananalita? Sino ang pupwede mong bigyan ng pag-asa sa mga susunod na araw?
- Ano ang kailangang gawin upang makasanayan mo ang pagbulay-bulay sa Salita ng Diyos? Ano ang pupwede mong simulan ngayon upang maisagawa ito?
- Gaano ka kasugid sa iyong pagsunod sa Salita ng Diyos? Anu-anong mga bagay ang sa tingin mo ay gustong ipagawa o ipabago ng Diyos sa iyo? Kailan at papaano mo masisimulang sundin ang Diyos dito?